

清河縣志卷之三

人才

自來傑士偉人銘鐘鼎而播竹帛者後人必詳考其里居
蓋邦家之光實閭里之榮也清邑昔在漢時人文蔚起經
學如張禹崔瑗名臣如李雲王經皆彪炳史冊輝映千古
自是而後極盛爲難繼焉然山川靈秀鍾毓無私景仰前
哲曷禁跋予望之

漢

張禹字長子受春秋左氏傳於潯陽令貫長卿與蕭望
之同時爲御史數爲望之言左氏望之善之上書數以稱

說後望之爲太子太傅薦禹於宜室徵禹待詔殊及問會

疾卒

按戒帝病張禹係衰國人則當時已
有兩張禹不止後漢又有一張禹也

李雲字行祖初舉孝廉再選白馬令桓帝延喜二年中

常侍單超等五人皆以誅梁冀功並封列侯專權擅恣又

立掖庭民女竈氏爲皇后時災異頻見雲素剛直憂國乃

露布上書曰帝者諦也今官位錯亂小人諂進賄賂公行

政化日損尺一拜用不經御省是帝欲不諦乎帝得奏震

怒下雲獄詔使中常侍與御史廷尉雜考之時宏農五官

掾杜衆傷雲以忠諫獲罪上書願與雲同日死并下廷尉

太鴻臚陳蕃又上疏救之云雖干上逆旨其意歸於忠

國昔高祖忍周昌不諱之諫成帝赦朱雲腰領之誅今日
殺雲臣恐剖心之讖復議於世矣太常楊秉洛陽市長沐
茂郎中上官資并上書請貸雲帝恚甚蕃秉免歸田旦茂
資貶秩二等帝在濯龍池侍中管霸奏雲等事言李雲耶
澤愚儒杜衆郡中小吏出於狂慙不足加罪帝謂霸曰帝
欲不諱是何等語而常侍欲原之耶雲衆皆死獄中後冀
州刺史賈琮使刑部過雲墓刻石表之

胡 常字少子常受書於膠東庸生以明毅梁春秋爲博
士部刺史又傳左氏常授教徐放教爲右扶風掾

劉 統爲當縣知名士杜詩嘗薦進之

房植字伯武以經學知名永和間爲李固所薦陳留楊倫河南尹存東平主惲陳國何臨同日徵用

周福字仲進桓帝爲蠶吾侯時從受學焉及卽位擢福爲尙書鄉人爲之謠曰天下規短房伯武因師獲印周仲進

崔琰字季珪少樸訥好擊劍年二十三鄉移爲正始咸激讀論語韓詩至年二十九乃結公孫方等以就鄭元學因黃巾賊起歸而以琴書自娛大將軍袁紹聞而辟之曹操破袁氏領冀州牧辟琰爲別駕從事謂琰曰昨按戶籍可得三十萬衆故爲大州也琰對曰今天下分崩九州幅

裂二袁兄弟親尋干戈冀方蒸庶暴骨原野未聞王師仁
聲先路存問風俗救其塗炭而校計甲兵惟此爲先斯豈
鄙州士女所望於明公哉操改容謝之

魏

王 經字彥偉清河人稱冀州名士仕魏爲江夏太守大

將軍曹爽附縉二十疋令交市於吳經不發書秉官歸後
復起歷二州刺史司隸校尉事魏主髦爲尙書時司馬昭
威權日盛魏主不勝其忿欲自討之經諫曰昔魯昭公不
忍季氏敗走失國且宜緩圖不可造次弗聽王沈王業謂
經曰事急矣不可自取滅族經大怒曰主憂臣辱主辱臣

死敢懷二心乎魏主拔劍升輦鼓譟而出經哭諫曰陛下以數百人伐昭空死無益臣非惜命實見事不可行耳又弗聽賈充自外入逆戰於南關下成濟抽戈刺魏主殞於車下衆皆逃走經大罵逆賊充怒遂被執昭又使人收經全家付廷尉經哭謝其母曰不孝子累及慈母矣母笑曰人誰不死正恐不得其所耳以此拚命何恨之有及就刑故吏向雄哭之哀動一市晉武帝太始元年詔書故尚書王經雖身陷法辟然守志可嘉門戶溷沒意常愍之賜經孫郎中

張揖字稚讓魏太和間爲博士著司馬相如傳解一卷

朱靈字文博初爲袁紹攻公孫瓚靈家在城中瓚將靈母弟置城上誘呼靈靈望城涕泣曰丈夫出身與人甯復顧家耶力戰拔之而靈家皆死從曹操征伐有功文帝禪位封鄒侯詔稱元功之將社稷之臣後更封高唐亭侯

崔林字德儒少無名望姻族莫知惟從兄琰異之太祖定冀州召除鄆長貧無車馬單步之官太祖爭壺關問長吏德政最者并州刺史張陟以林對文帝踐阼拜尙書出爲幽州刺史景初元年司徒司空並缺散騎侍郎孟康薦林曰夫宰相者天下之所瞻效誠宜得秉忠履正本德仗義之士足爲海內所師表者竊見司隸校尉崔林稟自然

之正性聽高雅之宏量論其所長以比古人忠直不同則
史魚之儔清儉守約則季文之匹也特守州郡所在而治
及爲外司萬里肅齊誠台輔之大器衮職之良才也後年
遂爲司空封安陽亭侯食邑六百戶頃之又進封安陽鄉
侯正始五年薨諡曰孝侯子述嗣

晉

房 悅字季欣亮之弟晉太元間爲高州太守轉廣州太
守加鎮遠將軍時齊州刺史張瓊表所部置南清河郡仍
請悅爲太守朝廷從之凡歷三郡吏民稱治遷平東將軍
大中大夫卒贈征東將軍齊州刺史長子超次子昭皆仕

房 超字伯穎悅之子齊天保初爲黎陽郡太守有趙道
德者使以書屬超超不發書棒殺其使文宣於是令守宰
各設棒以誅屬請之使

李 遼父回綬當雲擾時據有邦邑太元元年歸晉遣遼
奉表路經關里慨其廟庭傾頽上表求興復建講學十四
年敕下魯郡營飭遼出家布助工廟成蠲復數戶供灑埽
并給六經講習庠序延宿儒集後進遼之力居多按綱目
晉孝武帝十四年李遼上表請敕兗州修孔子廟給戶灑
埽仍立庠序以教學者曰事有如餘而實急者此之謂也
疏奏不省書法云李遼清河人也所請兗州廟也何以書

嘉遼也故特書而揭名之宛州夫子所生也廟廢不修他
可知矣綱目前書罷遣太學生徒前書立佛精舍於是書
請修孔子廟不報重傷晉也書孔子廟始此

房叔安明帝時爲青州刺史王元邈長史齊蕭道成鎮淮
陰爲明帝所疑乃遺書元邈欲北結魏叔安進曰夫布衣
韋帶之士御一餐而不忘義使之然也今將軍無故舉忠
孝而棄之三齊之士甯蹈東海死耳元邈乃止道成卽位
懷其中正叔安時爲益州司馬甯蜀太守就拜前將軍方
用爲梁州會病卒帝哭曰叔安節義古人中求之耳

崔道固世祖時以幹用見知爲左軍將軍景和元年出爲

冀州刺史又進號征北將軍時徐州刺史薛安都同逆上
卽遣遣固本號爲徐州代之道固不受命遣子景微軍主
傳靈越率衆赴安都旣而爲土人所攻屢戰失利會四方
平定宋遣使宣慰道固歸順先是與沈文秀共引敵敵旣
至固守拒之囚被圍逼敵每進輒爲道固所摧三年以爲
都督冀青兗幽并五州諸軍事前將軍冀州刺史加節又
進號平北將軍其年爲敵所陷被送柔乾死於敵

北魏

房天樂先爲青州別駕刺史沈文秀拔爲長史督齊鄆州
府之事一以委之慕容伯暉攻青州樂櫻據固守城陷爲

其所執

王 廟北魏時爲楚州刺史俗尙鬼城北有伍子胥廟禱者必以酒牛至破產業廟曰子胥賢者豈肯損百姓乃告諭所部自此遂止

監伯陽頓邱董徵從之受論語毛詩春秋周易徵由是知名魏世宗詔徵爲諸王教授其學出於伯陽

房 亮字景高父法延譙郡太守亮好學有節操太和間舉秀才拜祕書郎副中書侍郎宋弁使高麗高麗王託疾不拜以亮辱命坐白衣守郎中後除濟北平原太守俱以清嚴稱時冀州刺史王愉據州反平原界在河北與愉接

境愉乃遣人說亮啖以榮利亮卽斬其使發兵防捍愉怒遣其大將軍張靈和率衆攻亮亮督兵拒擊大破之後爲州刺史留心撫納海內安之時邊州刺史例得一子出身亮不言其子而啟弟子超爲奉朝請議者稱之入爲光祿大夫加安東將軍永安二年卒年七十一贈撫軍將軍齊州刺史弟詮子柬並以仕顯弟悅有治績

傳永字修期拳勇過人年二十餘有友人與之書而不能報請於叔父洪仲洪仲讓之永乃發憤讀書涉獵經史兼有才筆魏高祖用爲平南長史兩月之中再獻戰捷高祖嘉之遣謁者就豫州策拜永安遠將軍鎮南府長史汝南

太守貝邱縣開國男食邑二百戶高祖每歎曰上馬能擊
賊下馬作露布惟傅修期耳坐與高聰等救渦陽不利免
官無何又以功爲清河男嘗與賊仙埤戰被射洞其左股
拔箭復入大破賊斬仙埤子仙埤遁去中山王英於陣謂
承曰公傷矣且還營承曰昔漢祖捫足不欲人知下官雖
微國家一帥奈何使有傷將之名遂追賊極夜而返時年
七十餘矣三軍莫不壯之後除大中大夫行秦梁二州事
承每言曰文淵充國竟何人哉吾獨白首見拘此郡深用
扼腕然於治民非其所長年踰八十嘗諱言老每自稱六
十九還京拜征東將軍光祿大夫子叔偉九歲爲州主簿

及長膂力過人挽弓三百斤左右馳射又能立馬上與人角騁見者以爲得永之武而不得永之文也叔偉子豐立正光間襲封

趙 昶嘗從崔彥學以醫術知名

張一 御師事李先容學占相之術有名

范 晷字彥良南陽順陽人游學清河遂徙家僑居郡徵爲五官掾歷涼州刺史轉雍州刺史俱有政聲加左將軍二子廣雅廣宇宇終舉孝廉除靈壽令不之官

北齊

崔 瑾篤志經學問大儒徐遵明通鄭康成所注周易往

文學焉

李曉字仁畧隴西人學有思理寓居清河託從母兄崔峻給田築室安居訓子無復有宦情

隋

房山基隋大業時北海高構以工吏事知名舉山基爲考功特稱明幹

崔煥隋大業時爲咸陽尉政聲著聞上下稱頌

唐

張固有詩名在唐懿僖間採摭宣宗遺事簡當精覈可以補史氏之闕

司空頌唐僖宗舉進士不第後去爲羅紹威掌書記紹威卒入梁爲太府少卿楊師厚鎮天雄頌解官往依之師厚卒賀德倫代之張彥之亂問誰可草奏者吏言頌乃馳騎召之頌爲亂兵劫其衣以敝服至見彥長揖神氣自若揮筆成文彥甚喜卽給以衣服僕馬遂以爲德倫判官

張 蟻生而秀穎幼善吟詠有登單于臺詩知名唐昭宗乾甯二年進士第授校書郎調櫟陽尉遷犀浦令僞蜀王建開國拜膳部員外郎後爲金堂令王衍游大慈寺觀壁上題詩愛賞久之問誰爲之左右以蟻對因給筆札令以詩進將召知制誥宋光嗣以其輕傲駙馬宜疏之由是上

賜白金千兩

張楚金少有志行事親以孝聞初與兄越石同預鄉貢進士州司將罷越石而薦楚金辭曰以順則越石長以才則楚金不如固請俱退時李勣爲都督歎曰貢士本求才行相推如此何嫌雙舉也乃俱薦第

張徹長慶間爲范陽府監察御史時幽州將父子相繼不廷選怯徹至數日軍亂怨其府從事盡殺之而囚其帥遷徹於別館徹罵衆曰汝何敢反前日吳元濟斬東市昨日李師道斬於軍中同惡父母妻子皆屠豕肉餒狗鼠鳴鴉行且罵衆惡其言擊殺之徹抵死罵不絕口事聞贈給

事中

潘好禮明經開元初爲頌王府長史王每游觀好禮必諫
諭禁妨農日王出獵好禮卧馬下諫曰今農在田王何得
非時暴禾稼以損農人王慚爲還遷豫州刺史勤力於治
清廉無所私子請舉明經不能通答而不許徙温州別駕
卒史稱好禮博學能議論節行修整一意無所傾附未嘗
自列階勳居室服用儉樸至終身

傅良弼字安道以射冠諸軍博野樂壽介范陽成德間每
兵反先薄二城故常爲劇屯唐德宗時守樂壽王廷湊之
叛誘之使附而良弼堅壁爲國固守詔以樂壽爲左神策

行營拜良弼爲都知兵馬使俄又以爲沂州刺史良弼率眾出戰力乃得去天子以良弼忠有狀更賜奴婢服馬召爲左神策軍將軍寶曆初擢夏綏銀州節度使

梁

張 暉以星厯奉朝請天監間受詔集天文錄三十卷孫子信學藝博通尤精厯數後魏末避葛榮亂隱於海島中積三十年專以渾儀測候日月五星差變之數以算步之始悟日月交通有表裏遲速五星見伏有感召向背後張胃元劉焯等本其差度爲定入交食分及五星定見定行與天密會皆古人所未得也

後梁

張歸霸梁末帝娶其女是爲德妃歸霸少與其弟歸厚歸
弁俱從黃巢巢敗東走歸霸兄弟乃降梁秦宗權攻汴歸
霸戰數有功張晳軍赤岡以騎兵挑戰矢中歸霸歸霸拔
之反以射賊一發而斃奪其馬而歸太祖從高邱望見甚
壯之賞予金帛并以馬賜之數從太祖戰守功出諸將右
開平元年拜右龍虎統軍左驍衛上將軍二年拜河陽節
度使以疾卒

張歸厚字德坤歸霸弟爲將善用弓槊能以少擊衆嘗大
敗張晳於赤岡太祖大悅以爲騎長脫太祖鄆兵之圍而

體被十餘箭不死遷右神武統軍歷洛晉絳三州刺史與
晉人屢戰未嘗屈乾化元年拜鎮國軍節度使以疾卒

後唐

丁逢吉父顥清泰初陷於契丹後脫身南歸逢吉精醫術
事真宗於藩邸好聚書與儒者游方教其子度官參知政
事

崔居儉祖蠡父蕘皆爲唐名臣居儉美文辭風骨清秀少
舉進士梁貞明間爲中書舍人翰林學士御史中丞唐莊
宗時爲刑部侍郎太常卿明宗崩以故事爲禮儀使居儉
以祖諱蠡辭不受宰相馮道卽徙居儉爲祕書監居儉歷

兵吏部侍郎尚書左丞戶部尚書晉天福四年卒年七十
贈右僕射居儉拙於爲生居顯宦服用常乏死之日貧不
能葬所著有崔氏家禮行於世

宋

丁度字公雅逢吉子祥符間登服勤詞學科爲大理評
事累遷至太常禮院判吏部南曹因禦邊條陳十策名曰
備邊要覽繼上慶厯兵錄贍邊錄咸切時務遷尚書左丞
卒贈吏部尚書諡文簡度性樸質不爲威儀嘗著邇英聖
覽龜鑑精義等書行於世子諷集賢校理

張美字庀玆少爲周小吏以彊幹聞三司薦補知庫出

爲澶州糧料使歷加檢校太傅宋初加檢校太尉初率鈞
鎮上黨募亡命多爲不法倔强難制美度其必反陰積粟
於懷孟間鈞後叛宋太祖親討之大軍十萬出太行經費
無關美有力焉拜定國軍節度使太平興國初朝於京師
改左驍衛上將軍八年請老卒諡恭惠子守瑛孫士宗士
禹士安士宣皆仕

李仲芳字秀之澠化三年進士乙科授真定主簿聽獄明
斷歷遷冀州軍事判官當內召值契丹侵邊留督軍餉轉
大理丞乘傳治壁州疑獄復判冀州督餉遇歲饑出庾粟
貸民活數十萬家拜殿中丞判荊州薦爲御史不拜知光

化軍作石隄以防漢水改知漢陽軍獄空者二歲官至尙書屯田員外郎退居漢旁卒遂葬焉

趙 瑫以衛士厯龍衛指揮使又以徐河戰功加鎮州團練使至兵馬部署卒贈歸義軍節度使

潘師正居逍遙谷高宗幸東都召見問所須對曰茂松清泉臣所須也既不乏矣帝異之詔卽其廬作崇唐觀時太常獻新樂帝更名祈仙望仙翹仙曲卒年九十八諡體元先生

元

張思敬性情清儉仕元蒙古軍站達魯花赤有治績卒贈

嘉議大夫揚州路總管上輕車都尉清河郡侯

張天紀思敬子資稟英異才力優贍擢知都省印滿授判
陝西州郡轉運司事歷中外四十餘年凡十四遷官至嘉
議大夫台州總管兼管內勸農

元明善字復初其先拓跋魏之裔曾祖始居清河明善天
資絕出讀書過目輒記諸經皆有師法而尤深於春秋弱
冠游吳中浙東使者薦爲安豐建康兩學正戊申元主簡
拔爲東宮官授承直郎太子文學遷翰林待制與修累朝
實錄延祐乙卯始策士充讀卷官迅筆詳定杼思者不及
也改禮部尙書參議中書省事毗贊良多累官翰林學士

詔節尙書經文譯之以進每奏一篇帝必稱善曰二帝三
王之道非卿莫闡也眷遇之隆當時莫並焉至治二年卒
於官泰定間贈資政大夫河南行省左丞追封清河郡公
謚文敏明善早以文章自豪出入秦漢間初在江西金陵
每與虞集劇論以相切劘甚歡至京師乃復不能相下董
士選居間爲解適真人吳全節乞明善文旣成集爲刪百
二十字而文益精當明善大喜乃歡好如初子晦廕受陝
州路同知詳具御史馬祖常撰神道碑中

趙宏偉字子英至元間屢立戰功歷衡州路總管府治中
遷浙西道肅政廉訪司事鎮江旱蠲民租九萬餘石大風

海盜常潤等州民乏食宏偉發粟賑之有司以未得報爲
辭宏偉曰民饑待斃擅發有罪我先坐全活者十餘萬人
大德間江南大饑請贖罰錢以賑改浙東廉訪副使聞許
謙得朱子之學延致爲師終福建道肅政廉訪使卒贈禮
部尙書天水郡公諡貞憲子思恭天水郡侯

明

楊 璵永樂戊子舉人家素貧積學力行僦僕有大志人
多奇之授廬州府通判剛方正直難干以私明法敕罰而
仁愛之意常行於中士民咸欣戴焉遷戶部主事轉郎中
仕至東昌太守

任芳賈生授山東清平縣知縣之任時百姓鳴鐘鼓迎之其鐘忽破破痕處有赤字云若是此鐘破須待任芳坐後果爲政廉勤以人戶分三等九則均徭役民感其德惠入祀清平名宦祠

馮盛時字嘉際舉人早年補博士弟子員數試高等以資入太學從故城孫太常公學學益進嘉靖戊子登賢書選授山西榆次縣知縣邑東嶽廟神常有崇惑人行飲伎館俗人訟之立毀其像崇遂息邑稱神明丁艱歸補山東聊城縣知縣繼泰安州知州皆有治績恥逢迎當道嘗曰守貧安命豈忍剝民以爵位乎繼告歸有子三長名條次名

修俱太學生少名條食廩餼於庠有名

楊承芳字春臺少家貧事親孝苦志力學領辛酉鄉薦爲
祿養筮仕甯國別駕升太平少府行政廉明公允嘗題聯
於署曰聖訓昭昭當由己以克己王法懍懍不殺人以媚
人其時流氛日熾承芳練兵無采鎮殿兩梁萬姓賴之勒
碑望夫磯以志其德尋以才望召衡士南閣繼又靖難溧
陽當時有鄴侯魏公之目無何其太公卒於家遂聞訃歸
里自是絕意仕進屢徵不起課二弟承宣承明與一時來
學之士講明道學侍御李嵩特旌其第曰泰山北斗時明
季兵荒薦臻逃徙者哀鳴中道心憫之就隆興寺舍安慰

流民給以錢粟計施濟千餘金又於南關煮粥以賑貧民
凡病不能興者醫之窮無所依者養之由是全活者甚眾
年七十以壽考終子思祖七歲能繼父志以廩生貢成均
孫潤濬俱早登泮庠

孫炳字廷輝歲貢生十三歲爲邑弟子員侍母劉氏以
孝聞劉氏歿孤貧力學授山西廣靈訓導廣靈地瘠而俗
陋士鮮知學炳至條著功令士習翕然一新有司咸厚待
之終不肯干以私嘗捐俸濟貧寒全活甚眾復爲痊其死
者炳於書無所不讀雖寒天雪夜書聲猶呶呶然性喜酒
客至輒醉醉後吟笑和光藹然工楷書尤精尺牘其爲詩

清河縣志
雖不甚求工然清雅自可誦也子悟領鄉薦令山東齊東
有聲孫沈陝西崇信縣知縣乞養未任太僕卿孫緒爲撰
志銘墓表

李僅可字子與家甚貧父兄力田僅可乃日游學父兄志
之曰田家子不事耰鋤安用筆研爲哉僅可默不對顧益
學總角時補邑弟子員文名大著嘉靖辛卯以朱氏詩領
順天鄉薦戊戌登進士叨興清河之有進士自僅可始也
庚子除大理評事多所平反世稱其明允又嘗論邊事知
名丁未出僉事陝西臺臣以具文武才薦乃遷兵備駐涇
邠要地卒於官年四十六所施未竟識者惜焉有子三從

規早卒婦韓氏殉表爲節婦從矩貢成均從謙邑庠生僅
可自幼力學能爲古文詞平生清苦自勵雖官陟臺憲其
服御一如布衣斂時束髮猶角簪僚屬相顧歎服田宅無
所增益諸子多食貧世稱清白士林仰之

秦羽明字中南進士家貧博學邑令鄭公見而奇之羅致
幕下讀書古今典籍肆其博覽及應試遂膺首選鄭係商
邱人偕歸其里與宋權同筆研益篤下帷有筆掃千軍之
氣宋甚重之乙卯首領鄉薦一時南卷無出其右者壬戌
登進士任兵部會邊警防守勞瘁卒於官有文集數卷待

梓

鍾希顏字心卓進士剛方正直取與不苟由戶部郎中升山西冀北道參議值亢旱禱雨檄屬邑禁屠沽身先齋素家人無敢動輦者虔誠步禱大雨隨降直道忤時遂掛冠歸抵里後布衣徒行蕭然四壁崇禎十一年遇亂城陷不屈死

解嗣昇乙亥拔貢天資聰敏博學強記屢上公車數奇不售崇禎十一年城陷殉難

鍾鴻儒史俊傑顧爾盾馮庇民俱庠生崇禎戊寅督率邑民同心固守力竭城陷不屈而死

王茂遠拔貢生謁選得靈璧縣知縣平易近民廉明不擾

Page not available.

Please help scan and add.

页面不可用。

请协助扫描添加。

任太平府同知防江聲著承宣庠生承明廩玉臺使者旋其門邑大夫延入鄉飲大賓壽登八十三歲無疾卒

顧安邦修橋修廟施棺施衣年踰七十善念不衰有司聞於按院給冠帶且旌其門

吳邦學年踰七十持身謙謹好施予齊家有法有司聞於按院給扁旌之

王欽賦性醇謹晉接和平尤好施予辛巳奇荒人相鬻食煮粥賑貧活人無算有邱嘉言者鬻其女於王桂母子分離啼聲震路欽慨出入金贖女還之又李九階王思安

死無收葬者欽施棺收瘞王可勒貧者無子欽歲給米二

石贈養至八十五歲崇禎間闔庠公舉邑大夫延入鄉飲
壽登七旬有二無疾卒子清源貢生

孫 建宏治間親死廬墓嘗遇風雨廬草盡捲去建抱主
伏於墓側號泣不已躬負土築墳如小阜朝夕哭奠三年
如一日有司奏聞旌表

戴 乾嘉靖中以資授瀋府典膳生平不苟合乾九歲失
怙事母甚孝母疾禱以身代及卒哀毀踰禮廬墓三年嘗
有羣盜執之見其廬居惟敝藁破衾不忍加害乾與詣村
次呼司窰者傳其家取錢帛遺之盜環謝道左而去

陳 隆性質魯無甚通曉獨一念孝事父母供飲膳繼湯

Page not available.

Please help scan and add.

页面不可用。

请协助扫描添加。

Page not available.

Please help scan and add.

页面不可用。

请协助扫描添加。

Page not available.

Please help scan and add.

页面不可用。

请协助扫描添加。

Page not available.

Please help scan and add.

页面不可用。

请协助扫描添加。

史俊麟庠生家貧與弟增生俊鳳孝友彌篤好施行善崇
禎辛巳歲饑施粥濟人全活數百立義塚三處葬枯骨三
百餘修文廟數次縣令給匾獎之年登七十有七長子欽
命任嶧縣知縣有政聲次赴命庠生三朝命四恪命庠生
孫筆典少年同入泮

殷三捷性廉靜樂濟人崇禎辛巳歲饑施粥濟貧見棄女
甫三歲抱家撫養及笄嫁之族孫遷義甫七歲父母故無
依收養成人爲授室置宅地以資其身里人義之年登七
十闔庠公舉邑令胡文煥旌其門曰德裕體健子之軀弱
冠游庠食廩餼

Page not available.

Please help scan and add.

页面不可用。

请协助扫描添加。

初任江西玉山縣知縣濬績稱最羽書旁午應變如響上
憲稱爲盤錯利器未幾卒於官弟迎其柩泣曰雙幃早逝
克念鞠子之哀千里遠宦竟染孤臣之痛其弟撫其二子
成立長昌宗次亢宗孫易芹藻相繼人以爲克緇先澤云
高一相事父以孝居鄉以和且善體父心父所親愛者倍
加敬禮父病篤禱於神願受貧苦傾囊葺廟病果愈問寢
視膳終身不倦順治間事聞旌表

史欽命字簡策俊麟長子也家貧嗜學弱冠入泮遂冠軍
未逾載以選拔除浙紹興縣知縣甫下車卽修學宮端士
習單騎下鄉勸化梗頑輕徭免役嘆人德之尋以親老解

組歸里處家敦孝友資產無所私以讀書爲家訓弟赴命
朝命恪命相繼游庠子姪輩少年同補弟子員會議修文
廟先輸爲闔邑倡朝夕鳩工不憚勞苦嘗念凶荒必借勸
鄉出粟爲立義倉其從堂嫂孀居無子給資田以完其節
凡鄉民之遇事冤抑者必秉公代爲排解人感其德義且
服其公正數延入鄉飲大賓表其第曰甘陸三選

楊思祖字念修七歲失怙其母趙氏延師訓讀每觀父書
輒泣下曰此吾父手澤也年十四入泮科歲屢試冠軍食
廩餼貢太學母病晨夕侍湯藥嘗對天禱祝願以身代同
邑士大夫欲以孝行上聞思祖曰事母而兼孝者余何忍

事遂已生平義氣慄然玉潔冰清杜門著述不輟奈天短
其祚臨終不能語顧母垂淚以手畫繩武二字示二子首
向母若叩者三一痛而絕長子潤次澹少年采芹篤厚嗜
學門第昌大蓋孝德之感云

侯萬鍾原籍山西曾祖爲漢臣任工部主事寄寓清河遂
家於此鍾幼業儒好岐黃因以醫名

滕運昌家貧性純孝竭力以供旨甘父病腸結醫云嘗糞
甘苦可決生死運昌遂嘗糞味苦喜曰吾父得生矣病尋
愈母病心嘗驚榻前侍守夜不撤燈者五載每晚焚香告

天願以身代母卒後因母素嗜鮓肉見則傷悲終身不敢

食順治六年巡按蘇疏題旌表雍正八年入忠孝祠

潘守業祖父相繼施藥一錢不受在舊高莊村輸金創建關帝廟一所康熙八年鄉民公舉給扁旌獎

張韞秀父故年甫七齡遺言以讀書爲孝秀遵父命受兄教十三歲游庠克盡弟道益專心下帷人稱其孝弟順治中闈庠公舉學使程給匾以旌其門

王業新字日章庠生性豁達排難解紛雖善陳搏飛星之術而務爲理學所著有四書醒目易經醒目詩經醒目邑令金公深見賞契適僧戒書院落成遂延主講一門機柰稱極盛焉

李 禹字塗山監生精算法通數學身高異常狀貌甚偉
純皇帝南巡道經油坊鎮禹與同邑紳耆跪迎獨於廣眾中翹然
如立

帝召見之奇其貌遂引之至京 命禹渡海製銅交 旨後封以
官禹以不學辭 賜之金亦不受乃 賜徵仕郎銜並賜
地理全圖一軸銀烟袋一具袞龍紅泥荷包一付受之皆
假旋里乾隆十三年長蘆鹽路有逆匪作亂禹捐軍需一
千金

欽賜花紅邑中創修信成書院禹捐五百金晚年充鹽商時常奉
旨召見沒後

Page not available.

Please help scan and add.

页面不可用。

请协助扫描添加。

縉旣而悔之泣哭不已明代爲出資贖文年登八十無病而卒

王士銑字右白拔貢生候選教諭學問淵博賦尤清超名諫一時邑侯祁爲旌其門曰經明行修

張有信字孚中太學生性忠厚慷慨好施乾隆五十九年大饑出粟米濟貧乏全活甚衆嘉慶十八年又饑周濟貧乏如故或有親喪不能備棺讀書無以餬口者代出財助之善行感孚一鄉無間言

孫繼會字若愚嘉慶甲辰進士授河南原武縣知縣公正廉明愛民多惠政道光七年稟上憲閱順水渠以備水患

一縣均受其利九月重修明倫堂與泮池因邑少富室捐五百餘金十年奉上憲修倉七十餘間工已竣而勞瘁實甚由是積勞成疾遂以不起死之日有船夫夜見繼曾乘肩輿駟從甚盛問之知已升開封府知府矣及聞凶信甚駭因此相傳爲開封府城隍遂立專祠繪象祀之

宋廷楷字朝幹嘉慶甲戌武進士任湖北沔陽州衛守備爾時地方未盡安緝湖北民多梗頑兵勇尤難馴廷楷到任後德威並用賞罰無私人皆帖然讐服尤通文藝善楷書圓潤中有清剛氣其書法流傳至今猶稱道弗衰

莊永清字景夷太學生公恕好施村中有喪婚不能葬娶

者恆助以資鄰里借貸有則慨許尤加意於孝友鄉人某
忤其親曲爲勸諭情辭懇摯伊感悟卒以孝聞其父母每
與人語曰非聽良言吾兒不克至此又於冬月設棉衣以
濟老億善行所感至今猶稱道之

楊戒絢字右素貢生性情樸誠待人寬恕遇貧苦恆加周
恤尤急公慕義邑有公舉無不勇爲卒年八十有五子三
長翁廩貢候選訓導次彌庠生次嗣候補守府孫四一覽
提京兆官差兵部一周食廩餼一枝一山俱貢生爲邑中
望族

牛允宜字執中歲貢生性情端方衣冠言動不苟讀書延

名師得真傳緣數竒屢上公車不第遂絕意進取以琴書自娛有五柳先生風昆仲五允宜居長同宜顯宜皆入泮
齋宜合宜列俊秀子登桂貢成均 恩職取優等以主簿
選用門第繁昌一邑稱盛

顧德祿字君賜太學生性純孝少年失恃事繼母如生母
庭侍克承其歡里黨稱孝

楊戒盈字持菴嘉慶辛酉武舉鴻業之孫事親孝其先君
浦江增廣生年逾古稀戒盈問寢視膳愉色婉容五十年
如一日教諸生習射口講指畫卒無倦色又精政黃之術
求方問疾者接踵於門鄉鄰族黨咸德之

姜永清字昆厚武庠生幼穎悟讀書通大義長負侷儻不羈才遂投筆肄騎射武勇擅長一邑由數奇屢試不第識者惜之有子四長甯次安次容次密三游武庠一登文庠孫二天錫登賢書兵部差官天彪擢進士藍翎侍衛

姜安字廷一武庠生性情豁達見義勇爲道光三年邑令劉邀紳耆監修河隄盡心竭力月餘不倦十八年邑令曹劄修經正書院先捐金爲邑人倡且兼捐修文廟文昌閣鳩工庀材不辭勞瘁歲饑出粟救荒窮困賴以濟者不可勝數後其子天錫繼董理書院事好義急公克承父志邑令張郝疊以旌其門曰敦厚可風爲善最樂

宋桂林字馥園朝幹之佳公子也由武舉署通州營馬駒
橋千總賞戴監翎才藝過人刀法尤稱最時稱爲花刀公
子授生徒百餘人皆勇力絕倫尤善丹青山水人物無不
曲盡其妙以武功兼文事亦見家聲之不墜云

張含耀廩生天性仁孝篤嗜經籍中丙戌副榜終困棘闈
不獲售居鄉教授生徒負笈從游者多通儒若賈承祖顧
天寵皆其門下士食餼入庠者二十餘人里中凡有爭端
方爲排解十年無訟鄉人感其德母故遺弱弟韞秀甫六
歲撫摩教訓情誼篤摯秀十三歲游庠壬子入太學

魏文會字輔仁嘉慶丙子舉人學問淵博融會經史設帳

課徒務實學門下士藝苑蜚聲者相繼不絕且寡言笑慎
交游不輕與人通往來蓋嚴正出於天性也子名漣姪名
澄俱補弟子員皆其庭訓之力

張仲名性敦厚與人無忤惟以耕讀傳家子昌期早爲知
名士弟婦早亡遺女二俱在襁褓撫之若己出至七十餘
歲闔邑公舉延入鄉飲

段青霄字近天增生簡默好學經史百家無所不讀爲人
謹慎一言一動未嘗或苟奈命運偃蹇卒年八十而功名
未顯然其德行文章至今猶景仰不置焉

馮完我字太樸廩膳生性情高古氣象嚴正經史無所不

讀尤精於易鄉試屢薦未售設帳教讀一門桃李稱極盛
焉長子劭庠生次勃廩生皆以文學擅長人以爲衣鉢不
墜云

李玉振字見遠庠生平生矩步規行事無巨細一無所苟
排難解紛不避嫌疑受人之託不辭勞瘁年近七十而卒
至今族黨鄰里猶頌揚弗衰

范繼文字緒周以孝著慷慨好施衣冠樸素有古風教子
讀書家法森嚴長素琴登賢書次素珩素瑀俱列邑庠孫
式元昆仲數人亦皆入泮貢成均彬彬然爲一方之望

郭英字燦華武庠生少年輕財好施不爲貧累及壯以

買易治家務爲忠實晚年家小康敦族睦鄰恤孤寡周貧
之耕讀傳家子生久舉耆寶孫清籬登賢書

郭邁倫字步吉增生性樸實務實學三代兩漢之書唐宋
諸家之文無所不讀晚年尤嗜盲左兼習岐黃非洞悉病
源不輕療治慎取與一介不苟嘗自許曰吾於人無怨無
德足矣

郭永年字生久九十一歲舉耆賓髫齡失恃事父撫弟以
孝友聞治家勤儉教子有方志行純篤處世和平後子清
籬登賢書保舉知縣人以爲善行之報

王希臬字宏聲庠生幼年讀書不以家貧爲累居心誠實

不輕然諾事母以孝聞入泮後苦耕自給循循善誘以立品爲本出其門者皆端人正士焉

張夢麟廩貢生精於醫術活人甚夥能斷人生死無一差謬一時鄰邑無不知名

許明字廣遠輕財好施恤孤獨濟貧阨遇老病殘疾則尤憐焉因貿易卒於夏津二屯集乞人有素識者約數十人送尸於家家人謝之乞人皆哭曰報恩不敢當謝其爲人概可想見焉

田澄清字漣漪千總性坦易好施居鄉恤老憐貧人咸悅服於本村修廟宇一所捐地五畝邑有義舉尤樂爲倡道

旨載入一統志以勵風化其生平實蹟載墓志

光十年直隸學政彭給予志仰高山匾額後修一統志奉
聶可省武生慷慨好施嘉慶癸酉歲饑家有積粟數百石
集鄉中父老指困按戶分之毫無吝意凡邑中義舉靡不
倡捐以爲領袖邑令恩溥張榜其門曰勸善有方

賈鼎勲字越千庠生質魯勤學性寬謹凡事不輕託人常
以能忍卽安四字爲座右銘待諸弟尤厚每語人曰間於
妻子則不和爭乎貨財則不讓卒後鄉鄰有鬪牆者多述
往事以相勸云

莊廣憲增生性仁孝庭侍克承親歡胞弟貢木偕厥配早

逝遺孤載福尙未周歲孽憲育養之愈於己子及長訓以詩書與其子晬然同游邑庠七世同居舉家六十人和睦無間言姪與孫輩食餼泮庠者以十餘計值歲饑鄉有困窘將鬻其妻助之以貲使得保聚又出粟五十石以濟族里道光三年奉邑宰劉命監修河隄晝夜課工不辭勞瘁十八年邑宰曹創修經正書院又輸金倡捐並爲監修落成後延師主講文風賴之一振若捐修文廟文昌閣城東橋諸義舉尤難悉數其生平雖屢正自持而氣象溫和未嘗忤物邑宰沈重其品望特旌以齒德兼尊匾額卒年八十有八同人爲立墓

孫泰順慷慨好義有爭訟者力爲排解鄉人皆感其德教子有義方有孫六長南斗食廩餼次酌斗光斗補弟子員文斗乙酉拔貢魁斗珠斗俱增生本邑儒學給以匾額曰芳培五桂

孫萬里庠生家貧性耿介舌耕爲業從學者脩金聽其自送且髦而好學經史無所不遍子曰傑庠生

田維清字建德太學生性坦易樂善好施邑有公舉輒首爲邑人倡道光三年運河決監工築隄多任劬勞六年捐義穀五十石邑令張旌以好義可風匾額十五年又捐穀六十石未交尋卒其子武生景和貢生仲和克承考志如

敦紉倉邑令王旌其門曰喬梓濟美有孫三長蔗林貢生
次桂林增貢生昌平州訓導酉林食廩餼人以爲積善餘
慶云

莊慎修庠生性篤實衣冠儉樸有古風處家以孝友著料
事明決鄉間有疑難事就正者剖斷無不得當且善痘疹
問證求方門外車馬無虛日生活者無算至若監修文廟
文昌閣鳩工庀材充書院董事尤不辭其勞焉子一俊一
賢俱太學生

謝九鵬字登雲庠生事親以孝聞慷慨好施親戚困乏恆
加周恤鄉鄰有爭端曲爲排解務使之息義舉所在尤樂

勇爲其實蹟載墓志

李宗德字祥坊監生性樸誠慷慨好施咸豐元年捐修城
東橋四年髮逆盤距臨清爲練勇捐錢三百緡七年歲歉
出粟二百石賑濟閭里自奉儉約待人忠厚生平義舉難
以悉數年七十二無疾卒

康大智字希舜庠生性情和平疏財好施邑有公舉輒樂
勇爲城東橋頽圯捐修不吝重貲旣而重修明倫堂爰
閭更輸金無難色道光十八年邑令曹創修經正書院與
紳耆籌款身先倡捐且鳩工庀材不辭况瘁落成後迺
主講文風爲之一振及卒其子武生豐軒克承父志

善旣事士林嘉之爲橋梓濟美云

謝 儒字之連庠生性仁厚好施予咸豐七年蝗蟲爲災邑多饑孳遂出粟二百石濟飢全活者無算其子庠生汝朔克承父志同治六年土匪肆擾擄掠一空出粟百餘石以濟光緒三年歲饑議賑又出粟二百石鄉人感其德共送匾額以爲仁厚可風

王春震字濟世庠生性篤實好古博學精易理因不規於時墨未擢甲乙家貧舌耕自給事親以孝稱每遇枯骨必掩埋之年登七十八無疾卒於館

楊 務字漸遠幼讀書雖未經講授而能遵大意後緣持

家乏人遂廢讀援例入貢平生矩步規行無稍苟奉事庭
幃竭力承歡歷五十年依然孺慕居鄉樂善好施宗族戚
黨多被周濟有屢負不償者未嘗介於懷喜觀經史每讀
史至讒奸害正事輒廢書而歎怒形於色蓋公直方正得
之天性教子讀書延師於家廿餘年禮貌未衰隨館諸生
有篤志者見之輒喜或不知自勉則曲爲開導聞者感泣
待人忠厚類如此子三長一鳴以太學生晉秩道銜次一
峯咸豐辛亥登賢書任新樂縣教諭次一鶴廩貢任樂陵
縣知縣孫七鼎昌臨昌咸昌震昌俱入泮

范桂林字月香太學生性嚴正慷慨好施遇歲荒捐錢輸

穀事難枚舉邑令表其門曰德義可風子三長清源大學
生次清傑增貢生清塘廩貢生孫十翰文乙亥舉人恢文
壬午副榜右文食餼顯文由庠生舉孝廉方正鼎文考取
詹事府供事魁文光文儲文俱庠生熙文宗文俱業儒爲
邑東望族

郭兆潘字介維性純孝事親無忤意處偕弟振聲承歡怡
怡如也家貧而嗜讀問經史必求心得積學之富一邑推
爲宿儒設帳授生徒先德行後文藝嘗言讀書人必規倣
大家乃能斂材就範故成名者數十人皆佩其遺訓焉且
排難解紛平爭息訟族黨四鄰感其德蓋寬厚和平出於

天性也弱冠入庠屢取優等合廩餼旋膺選拔聯捷舉於鄉會試屢薦未售時逆匪肆擾奉札舉辦團練邑令深嘉其功因得保舉歸部銓選授安徽旌德縣知縣奈天祚不永未赴任而遽捐館識者惜之子之祀邑庠生

楊習字數飛歲貢生寬厚謙和家稱望族無驕亢志族黨困窘有求必應一鄉莫不感恩且耽誦讀有左癖爲五經笥作文不染墨氣鄉試屢薦未售因設帳授生徒教弟輩有家傳得真衣鉢昆仲五習居行一次佳齋庠生次藻馨歲貢生次選齋由廩貢舉孝廉方正次珍文武生子二長一士附貢生次一聽恩貢生姪一堂由歲貢舉孝廉方

正一槭辛酉拔貢生一貫增貢生人文蔚起皆得庭訓之力

郎樂山字序良性寬忍尚廉偶少時家貧一取一與無所苟行路拾一金簪恐人來覓坐以待之良久無人遂委地上而去凡遇枯骨必掩之道路有難行處必修之平和忠厚未嘗一語傷人及老嘗語子孫輩曰吾未嘗爲爾輩置家產亦未嘗爲爾輩留虧心事蓋自信真也年八十有四卒

簡素封字行宜庠生性剛直廉介有道學風教諸生惟務實學游其門者多得力焉其子全天英年食餼屢取優等

又挑取膳錄乙亥領鄉薦

楊敦仁字厚菴大學生慷慨好施凡義舉輒倡爲之嘉慶二十年邑令張勸捐義穀並修東廡三間爲旌其門曰勸善有方績勸穀千餘石道光三年大水民乏食稟邑宰開倉賑濟全活甚衆十八年監修經正書院工料堅實上臺賜樂善好施匾額

楊戴仁字鳳德太學生性慷慨樂善急公嘉慶十四年邑令黃奉札勸捐義穀戴仁倡捐三十石又勸捐四百餘石並捐修倉廩三間大門一座落成後匾其門曰惠普桑梓殷肇基廩生性至孝母早喪事父倍得歡心飲食必親奉

父所醫百計營求以進出必告反必面定省溫清至老不
倦回里皆稱其孝

劉善修字慎永庠生性沈靜耽誦讀設帳數十年不與外
事事父母以孝著兄善道弟善教俱乏嗣以己子侍晨昏
常論以孝道尤慈惠好施族黨窘急每出粟賑之子五人
孫九人其曾孫步月步霄游邑庠步嶺領鄉薦步岳步科
援例入貢步槐列俊秀繩繩繼繼門第繁昌見家聲之不
墜焉

史 臣歲貢生任衡水縣訓導廉靜寡欲一錢不妄受尤
加意學校邑之文風一振臣歸後年登八旬猶精神爽健

一日著公服告家人曰吾將死矣是日果卒

郭振寰字冠宇性剛直不徇俗好讀書而名未顯每聞鑑
史剖析善惡褒貶無弗當教子欲延名師苦力不給乃邀
族黨共成學塾十餘年子立經濟庠食餼爲邑名士自是
其鄉採芹折桂者相繼引進後學皆其力也

王廷梧字逢源庠生博學經史詩文不諧時好有古大家
風家貧以舌耕自給取予一無所苟尤謙抑凡事不與人
爭以忍讓和三字爲戶牖銘題聯於齋壁曰學淺自知能
事少禮疏常覺慢人多授生徒以敦行爲先務故游其門
者多循謹士暮年以行書自娛常置筆墨於几上得意時

握管揮灑自號醉墨主人筆力蒼老士林珍之

孫懋會增生端方正直隨兄繼會之任多所贊助至老家貧惟披閱經史以自樂雖衣食難給晏如也子姪輩稍有不規必怒責之不令染仕宦氣致玷祖德卒後人猶稱道弗衰

孫慎徽字克從恩貢生性嚴正讀書務實學鄉試屢薦不售退而設帳教授生徒每日早起非盥洗正衣冠不檢詩書居母喪哀戚盡禮三年不見齒士林皆欽服焉

莊德立字功久庠生性孝友母素有瘋疾嘗村外尋菜迷所往德立每自塾回見母不寢家卽往尋之村外逢人揖

而問之見母跪請回家愉色婉容以悅母心三十年如一
日爲堂叔貧無嗣卒後出私蓄治喪具命堂弟德繼爲嗣
室兄德存亦無嗣以三子開基出嗣家產共之和睦雍熙
宗族共稱焉長子璟次珩俱庠生孫紹閔太學生燬揚武
庠曾孫長庚郡庠生

王本正字端士事親孝父歿後事其母倍謹母或責弟卽
代跪乞恕必母怒息乃起其母八十餘歲衣衾有穢污者
必親爲澣濯晝夜不厭至母病奉事慇懃數月不離牀側
又平爭息訟一鄉無不欽服其子尙寬登賢書孫仙洲入
泮人以爲孝德所致

滕冰繼字超羣性篤孝友少年失怙事母得其歡心其母至九旬常患病膳寢必親問視衣衾穢污澣濯不厭歷四載不惰因胞弟出嗣少產將本支宅地均分又監修本村廟宇一所庭訓有義方子雅歲貢生孫夢榆食廩儉

張書琴字佩齋庠生性孝友出嗣胞叔弟書田承本支天逝書琴兼事四親父病奉侍湯藥衣不解帶者七十餘日母病污衣衾必親澣濯嗣父年老步履艱難書琴扶持出入晝夜不離嗣父歿卧柩側朝夕供獻如生因其嗣母痛夫憂鬱更加慙家雖貧甘旨不缺一鄉皆稱其孝

蘇常泰字恒庵廩生博通經史因鄉試未售設帳教讀不

索束金一時游其門者以洋食餼多得力焉尤平爭息訟
一鄉皆德之

王書勲字勗延庠生性嚴正不諧時好家貧好學年二十
入泮至九十歲科試並未告滿鄉試十餘次嘉慶乙卯房
薦未售年八十五猶不墜青雲之志焉

焦五奎字耀天廩生以文學見稱科歲試取優等鄉試屢
薦未售因退而教讀成名者甚衆處家有孝行事繼母如
生母德行品誥爲一方之望焉

楊繼芳字徽緒增性孝友母有疾疾喜怒無常曲意承
順得親心歡教人以齒品爲先貧無束脩者未嘗無誨居

鄉好息事有爭端多方排解無不化爭爲讓一村無訟者三十年子二汝柱汝楨俱列俊秀孫九履祥考祥鶴祥俱入泮人以爲德行之報云

李心一性慈愛胞姪失怙撫如己出代爲理產業其父母殯葬喪具胥由已措置不令姪費爲人公正善息事當時俗傳有云欲要此事息須待李心一年七十卒

王心存字敬齋忠厚和平樂善好施凡有公舉無不爲邑倡首光緒元年歲饑出粟六十餘石以濟族里人皆德之弟心鑑增貢生長子翔附貢生次鬻孫蔭溥俱入泮

許掌銘字德昭廩生性沈靜寡言語居鄉以孝行見稱尤

穎悟過人經史寓目輒記文藝超拔有奇氣髫年以冠軍入泮科歲試學使歎不羈才屢膺首選嘉慶甲子鄉試以一字之誤列堂備未售甫逾弱冠遽應玉樓召士林惜之
子二占恆占益俱太學生孫國光增生觀光郡庠曾孫肇修庠生

莊眸然庠生事親孝朝夕供甘旨無倦偕弟貢生維貞同居怡怡如弟早逝有猶子二訓以義方長右銘貢成均次金銘列邑庠其端方自持夙孚鄉閭每有爭訟排解之輒渙然釋董理書院事勤慎公正同治六年土匪肆擾鄰村舉保爲慶功團總身率練勇力爲捍禦七年擒匪由山左

北窳奉上憲羽檄沿河築隄防守蹂躪以免歲饑邑令與紳耆議賑慨然首捐又監濬河渠以除水患其他善行不能枚舉子三長鼎銘恩貢生候選教諭次盤銘游太學次昌銘以俊秀 恩職取優等卒後戚友爲立墓碣以誌其事

潘書林字在九庠生幼聰穎博學能文尤精奇門六壬讖緯諸書未嘗詡以示人能自知其死於前數日修東徧邀親友敘談死之日使童子候日影將午自著衣束帶升牀猶與家人語少頃曰吾其逝矣遂卒

潘 愚字太樸恩貢生性穎敏學問淵博諸子百家無所

不讀尤精於數學以堪輿壇長年八十餘猶強如壯時
王步雲字升衢廩生忠厚正直事父母以孝聞學問淵博
設帳時門下多桃李及卒子庠生懋德慟甚忽見步雲風
帽鮮衣旁一侍者如武士狀指呼曰兒不必過慟吾今爲
龍門山河神矣子疑爲哀想所致忽有先生契友劉燿先
叩門謂曰爾見爾父乎適吾假寐見爾父風帽鮮衣旁一
侍者大聲疾呼曰吾現爲龍門山河神特來相別且託汝
屬吾兒不必過哀也卒年六十四其門人鄉鄰欽其德行
道藝爲立墓志

崔純儒字自修庠生少孤事母孝晨夕不倦見父墓必淚

下料事明決排難解紛有寒素求上進者必助資進莊莊
春暉義塾首爲之倡咸豐辛酉舉辦團練調度有方一方
未遭劫掠其力居多焉

崔元報字掄一幼失怙事母至孝供養昕夕無懈志樂善
好施族黨艱窘者必周之本村塑佛神像慷慨捐金以完
其事非爲此祈福蓋好義出於天性也善德所感閭鄉送
匾額以旌其門

郭泮水字採芹道光乙酉武舉性豁達慷慨好義適有貧
民鬻女於人者見之攜金贖回俾女得其所焉子長春庠
生孫聯輝癸酉拔貢其教授生徒實蹟載墓誌

姜天錫嘉慶戊寅武舉由兵部差官部選江南淮安府漕標左營守備時英夷犯境帶兵上海縣東海口防堵繼又帶兵赴武松口與夷匪戰自寅至己戰力不衰後告終養旣里

范素琴字慶堂道光乙未恩科舉人揀選知縣性敏嗜學年髫冠童子軍弱冠食廩餼領鄉薦當時邑中廿餘年無登賢書者至此科爲之一振而且引進後學教人有方性澹泊不樂仕進不爭名不好勝不徇人之求不市己之德非公事不入公門蓋雍雍乎有古人風焉

王協和字萬邦太學生性至孝道光年河水漲發父渡河

舟覆墜中流時已日暮協和聞之急與兄安和弟中和
河拯之至夜半無蹤跡協和仰天大哭頃又入水抱尸上
岸相負而歸成殮後置柩於堂朝夕祭奠里黨稱其孝
簡存密字靜齋廩生性穎敏博覽經史舌耕爲業造就人
才甚多尤急功好義道光九年重修文廟身董其事善談
論排難解紛一鄉德之子御煩孫潔俱庠生

張太和字熙庵庠生性嚴正尙樸素平爭息訟排難解紛
人皆服其公正尤輕財好義見貧乏必拯救之教授生徒
以立品爲先故出其門者皆端人正士家學淵源衣鉢不
墜子三長傑三思貢生爲文人領袖從學入泮者數十人

次利器庠生次節甫太學生孫種玉歲貢生振玉食廩餼
書田豐玉鼎玉游庠曾孫相繼綿綿繩繩五世同居和睦
可風爲邑之望族

孫懷淳字體仁庠生舌耕爲業教讀數十年不與外事成
就人才甚衆渾厚待人不露圭角終身無一傲人語蓋和
平得於學問也年登八十卒

郎有方字制事序良子也性正直樂善好施咸豐八年監
修本村廟宇不辭勞瘁鄉鄰有貧乏死不能葬者嘗以資
助之尤重斯文以平生未嘗讀書爲憾因命其子鳳來就
傳受業朝夕勸誡後子領鄉薦辛未六挑一等孫桂峯弱

寇游庠食廩餼人以為善行之報云

劉廷樑字峻宇性寬忍不與人爭每遭非禮多順受之事
兄如事父析居後兄貿易在外為胞姪代理家計不辭勞
瘁和厚處鄉無一驕亢事見貧苦飢寒必竭力拯救訓子
以義方延師教讀極見慇懃後子升瀛中經魁孫春塘游
岸善行所培一鄉無間言

崔良儒字易直救災恤貧輕財好施晚年家益落嘗早出
村外見一少年赤臂徘徊詢之曰宋莊張某也因賭典衣
無顏旋里且父母嚴懼遭楚欲向崔老易大叔求衣耳儒
曰彼已貧無衣與汝乃解身上衣衣之而歸尋破馬褂蔽

體焉醉後負錢夜行卧道側有偷人過將竊綾行於諦審之曰崔某也乃喚醒而送之臨去曰若不審視幾爲不義人矣儒之子在油坊會忤一土豪聞聚數十人將毆辱之年少而距家遠窘甚遇相識者告以故其人曰勿懼也乃大聲曰此崔某之子也今被人欺願助者隨我來且行且呼一時聚數百人豪懼而服理焉其盛德感人可知尤專以息訟爲事嘗託班房遇近村遞呈人務給信有留送儒處者厚酬之故城東北一帶訟輒被留曰恐無顏對儒也有張古莊者遇縣差向以二十頃地攤錢與壘橋同後地多鬻於壘橋欲以五頃地移增之壘橋人曰舊例也將成

訟儒息之不可乃兩許之而暗以應攤之錢包附鄉地後
三年張古莊知之曰何以相累也攤如初臨終時語其子
曰吾未以產業遺汝怨乎對曰人稱盛德兒聞有榮矣何
怨焉曰何敢言德吾生平息事墊錢人不知者多矣且語
汝勿告人也遂言段莊張甲與張乙訟儒和之甲曰必使
乙出和息錢乙則以錢責甲儒思明言墊錢必不諧乃陽
兩許之而暗出錢焉又連舉數事多類此年老時每黑夜
醉歸有二燈照行儒性坦且被酒不爲意然村人屢見遠
近皆知咸以爲被恩之鬼護送也子金山入邑庠孫二長
丹桂咸豐壬子舉人庚申進士補山西交城縣知縣次叢

桂太學生儒年七十餘歲無疾終 賜贈文林郎 誥封
奉政大夫

王瑞雲字祥光增生敏捷好學屢應鄉試未售因母年老
設帳於家從學者日衆教人以立品爲先門人食廩餼領
鄉薦者相繼事母至孝尤篤友于教子姪有義方子玉珂
姪庶績懋績游庠門庭雍熙一鄉稱善

簡存恭太學生渾厚儉樸家有蓄積薄於自奉厚以待人
放債不討聽其自償族黨有窘急者必周之本村百餘家
感恩無間言其子廷桂庠生救難濟急有乃父風尤以孝
行著母常患病雖有奴婢牀褥必親侍延醫求方十餘年

如一日

趙範中字協德庠生性廉靜涉獵經史教讀數十年不與外事蕭然有隱逸風焉

劉步月字凌霄庠生少失恃事繼母至孝每遭譴呵愉色婉容弗衰祖父伯叔有命皆順承無違同炊三十餘人以寬厚能忍釀爲和睦自奉儉約而待人忠厚同里皆頌揚之

莊德明字克峻太學生性寬厚好施予咸豐丁巳大饑設粥廠以濟貧乏又出粟三十石分給族里教家以能忍爲要七世同居尤髦而好學年登八旬而卒子三占元太學

生鳳池武庠鳳儀議敘九品

范五教字敬敷性坦易喜怒不形嗜讀書而絕意仕進杜門不出與世無爭時以書畫自娛常有人生世間何所樂自問無愧乃爲樂之語年七十九卒

李琳字秀石監生急公好善兼重斯文咸豐元年縣令石公命修東橋捐三十金四年髮逆盤踞臨清捐錢二百緡爲練勇資凡有義舉無不倡首充書院董事二十餘年文人無異議五世同居人皆仰其盛德

滕君立字安邦性剛正有膽識急公好義排難解紛監修本村廟宇復監修河隄咸豐四年逆匪竄擾首倡團練協

力攻賊四鄉賴以得安

崔懋修附貢生幼失怙恃事祖父母以孝聞憤志功名屢上公車不第遂輟讀經理家務自奉儉約處鄉渾厚見貧苦必加溫卹尤特重斯文遇寒素有志之士樂爲玉成咸豐七年歲歉出穀百餘石以濟困阨至今里黨猶感其德焉長子克順游太學次克廣庠生鴻臚寺序班充書院董事

張書林字藝齋太學生性孝出嗣胞伯伯早死事嗣母慇懃得其歡心生父死衣衾喪葬與弟並任之不以出嗣自諉尤恤孤濟急息事甯人善行所感一鄉無間言

王著明性孝友母病思小鮮猝無所得抑鬱鬱上忽有鯉魚躍岸持歸供母病遂痊後值兄遭訟著明破產救之且膂力過人嘗遇牛鬪衆皆避明握角揮拳牛爲哀鳴雖年逾七旬猶矍鑠焉

王青雲著明子太學生少失恃繼母中年喪明心常憂悶事無論大小必言之歷歷使母如見年逾七旬每作兒童語以博母歡說者謂有老萊子風

牛樂山性孝友母卒恐父憂鬱常伴父宿以慰寂寞幸兩弟操作給甘旨未嘗缺尤篤友于昆仲親愛如童子時後次弟亡愛三弟更篤族黨稱之無間言

倪乘雲字凌霄庠生文軒長子也六歲失恃事繼母孝聞
尚里循循承歡終身如一日博通經史指授生徒游其門
者多務實學但屢薦未售士林惜之

牛聘元字君需庠生六歲失怙及長事母最孝就外傳每
一出告歸省期不踰時日卽至晨昏奉甘旨婉容愉色能
博親歡居心坦白無城府待人忠厚無炎涼態孝行厚德
一鄉無間言年八十四卒

石貞觀庠生儉約自奉寬厚待人母患病在牀褥服侍湯
藥晨昏不離十八年如一日

楊秉正字端士性慷慨以貿易起家而不重貲財事高堂

甘旨無缺每當父母患病延醫調治晝夜無倦伯父叔父
歿後皆助資以葬之里黨共稱其善

滕錫朋家貧無立錫地母年老不忍外出作傭因貿易以
供甘旨糠粃則自食之每遇亂必負其母以出族黨共稱
其孝

馮永安少失恃事繼母如生母母有恙奉侍晝夜無間常
虔心默禱願以身代年逾八旬孺慕之誠無異孩提孝行
所感內外無間言

評潔銘字懷修增生髫齡入泮居家以孝友聞鄉試屢薦
未售因退而設帳授生徒醫序蜚聲者多出其門後以家

事自任暇時涉獵歧黃書尤精理瘟疫痘疹二十餘年全活者無算又常爲鄰里排難解紛爭訟頓息道光九年捐修大成殿東西廡明倫堂且鳩材庀工身董其事卒年五十有七

邱清法字成憲庠生性和平事親孝其父病侍牀褥三年無倦容和睦鄰里凡有爭訟必調處之同鄉不起爭端者三十餘年

王清思字觀型性和厚料事明決排難解紛好義輕財拾金不昧子印堂邑庠生

杜文英字魁聚處家以孝友著母常患病奉侍萱幃斯夕

無倦十餘年如一日昆仲四文英居幼墀篋迭奏怡怡如也教子有義方姪孫輩皆遵庭訓思明誼美一門雍熙常於家乘則修之於祠堂則整理之且平爭息訟慷慨好施六村共仰其德咸豐二年公舉鄉飲介賓因送匾額曰德高望重十一年逆匪肆擾舉辦團練竭力堵禦同治四年蒙邑侯劉公保舉獎勵軍功七品有子三長桂榮次朝榮本榮居幼援例入監精明強幹能承父志凡邑中公務無不見其出力其長孫玷亦能繩其祖武門第繁昌家聲不振固子孫及身之榮實祖父碩德之報捐館後六村景仰盛德爲立墓誌以垂不朽

兵紀

附團練

保舉

殉難

清邑爲用武之地自東漢以迄唐宋城凡幾陷矣我

朝定鼎以求中外一統四海蕩平畿甸之地何需兵革爲乎
然安不忘危有文事者必有武備焉故厯紀往事俾守茲
土者爲思患預防之善計可爾

漢光武使寇恂定清河郡縣所過擊斬王郎大將九卿校
尉以下四百餘級得印綬百二十五節二斬首三萬級定
涿鹿郡中山鉅鹿河間清河凡三十三郡縣

靈帝中平四年中山相張純攻破清河使幽州牧劉虞復
之純與泰山太守張舉與烏桓大人共連盟使烏桓峭王

等步騎五萬人青冀二州攻破清河平原擄殺吏民朝廷
以虞故爲甘陵相威信素著復拜幽州牧虞至使告峭王
等以朝恩寬大開許善路舉純走出塞餘皆降散純爲其
客王政所殺送首請虞帝遣使就拜太尉封客邱侯
隋煬帝大業年間竇建德陷清河郡建德漳南人漳南爲
清河屬邑清河通守楊善會爲其所執建德釋而禮之欲
用爲貝州刺史善會不屈死

唐天寶十五年正月賊安祿山將史思明陷常山復陷清
河九郡二月客李萼告急於平原太守顏真卿出兵六千
援清河克之冬十月史思明復陷清河及河北諸郡

肅宗寶應元年冬十一月河北副元帥僕固懷恩子瑒史史朝義於貝州先是思明僭號子朝義殺其父而自立統其諸郡唐以僕固懷恩爲河北副元帥攻之朝義走至貝州與其大將薛忠義等合還攻瑒設伏擊走之回訖又至戰於下博朝義大敗奔莫州懷恩會諸路軍圍莫州朝義屢戰皆敗復往幽州其范陽節度使李懷仙已以城降朝義至不得入懷仙兵追之感繼於林中取首獻懷恩諸軍還貝州平

德宗興元元年夏四月賊朱泚攻貝州五月昭義節度使李抱真會王武俊大敗朱泚於貝州

天祐十三年晉拔貝州晉人圍貝州急踰年刺史張源德欲降其衆不從其殺源德嬰城固守城中食盡乃請擐甲執兵而降晉將許之其衆三千人出降既釋甲圍而殺之盡殪於是河北盡入於晉惟黎陽爲梁此據綱目傳也若吏則言民欲降而源德不從爲民所殺千載之下忠佞莫辨可勝慨哉

晉開運元年春正月契丹陷貝州權知州事吳繼死以高行周爲都部署與符彥卿皇甫遇等將兵禦之先是朝廷以貝州水陸要衝多聚芻粟爲大軍數年之儲軍校邵珂性凶悖節度使王令溫黜之珂怨望密遣州人劉麟入契

丹言貝州易取會令温入朝執政以吳繼權知州事契丹入寇繼書生無瓜牙珂請效死繼使將兵守南門自守東門契丹主自攻貝州繼悉力拒之燒其攻具殆盡珂引契丹自南門入繼赴井死契丹遂陷貝州所殺且萬人

宋真宗大中祥符元年車駕北征至貝州爲契丹擾亂以汲人魏咸信爲貝冀路行營都統署詔督師至貝州敵入退召還行在所

仁宗慶曆七年十一月戊戌貝州宣毅卒王則反通判董元亨死之殺司理參軍王燮節度判官李浩清河令齊開主簿王深僭號設官建國改元

明崇禎十年知縣曹亭造大炮二十位三眼鎗二百桿

崇禎十三年知縣秦際皞造三眼鎗一百桿

崇禎十七年二月流寇入城置僞縣令李擎柱到任居城
兩月邑人度日如年至五月聞

大清定鼎人心始安僞官李擎柱逃去

團練

團練之法仿古寓兵於農之意可以禦盜賊可以衛鄉里
法甚良也自咸豐四年髮逆陷臨清督憲奉 旨舉辦團
練札飭通省州縣一體辦理然富者惜財貧者惜命雖屢
經縣尊曉諭紳耆勸說而愚民無知可與樂成難與圖始

團練之法不行及咸豐十一年春二月白蓮教宋景詩雷三等自堂邑造逆張善繼孫全仁等白邱縣造逆互爲聲援大肆擄掠三四月間張善繼孫全仁等陷曲周圍威縣入清邑古踞城西十五里王官莊四月初七日陷縣城邑侯陳公捕廳趙公俱殉難

詳見本傳

民間富者莫保其財貧者

莫保其命始悔團練之不早也晚矣五月勝宮保領大兵至賊遂南竄鄧公至勸民團練已次第舉行及同治元年海珊熊公存瀚來宰斯邑屬諸紳耆陳說利害諭令各村舉家道殷實者成練達者爲團長舉有德行才能素爲一方所推服者爲團總民當被擾之後激於義憤富樂輸財

貧願效命不數月遂成三十餘團皆造冊報縣恭聽邑侯
訓練指調而各團團總亦深體邑侯爲國爲民之意故自
團練以來有禦賊捍患之功無抗糧抗差之弊嗣後同治
元年教匪楊蓬嶺同治二年楊蓬嶺之姪綽號小楊同治
三年宋景詩同治六年鹽梟皆衆號數萬距清邑西或四
五十里或二三十里來往搶掠數十次各團聞警出隊於
城西一面聯絡扎營晝則放鎗夜則舉火繇互數十里勢
如長蛇賊望而遠遁故鄰境皆被騷擾清邑獨全至於官
兵臨境或供給車馬或供給糧草莫不護送以出計自同
治二年至同治七年出隊防堵修牆防河製造鎗炮旗仗

所費以數十萬計而民無怨言皆海珊熊公之力也舉人
郭兆藩敘

咸豐十一年春河東夏津縣捕頭于洛體招聚羣盜豎旗
造逆三月間衆至萬餘人渡河入清邑所過油坊謝爐集
黃金莊等處擄掠一空爾時清邑初議團練鎗炮未備幸
有武城團南宮團助勦擊賊於黃金莊賊率隊出村迎敵
邑人武進士裴養修武城和尚大霞身先練卒衝入賊營
手刃數賊賊衆隊亂團勇乘勝並進賊大敗鎗斃炮擊僅
剩數十騎南竄堂邑入宋景詩夥計自造逆以至撲滅殆
七日云

同治元年宋景詩黨程三黑程五姐等素業跑馬賣藝善
騎射冲突於六月二十三日率賊數萬渡河二十四日入
清邑至油坊西劉家莊有村人許殿一糾村中有膽氣者
數十人於關帝廟焚香訂盟誓共殺賊誓訖忽報賊數十
騎入村許殿一遂同數十人各持器械迎擊莫不以一當
百不論時殺賊數十餘名既而賊大衆至許殿一身被數
鎗猶自力戰不退幸有得勝至誠西團接應賊大敗西竄
自是賊遂膽寒永不敢犯邑境矣

又是年宋景詩降而復叛自陝西逃回沿路肆行搶掠於
十二月二十四日晚冒充官兵突入縣城當夜間永安忠

信協和信成各團聞報出隊於城南十五里聯絡扎營賊南竄之路永安團使於各村前後樹木叢雜之處多掛燈籠以爲疑兵賊不知虛實望而膽攝未敢侵犯官長亦不敢四出搶掠翌日邑侯熊公汎官司公領以出境秋毫無犯各團擢一字長蛇陣南北懸互三十餘里賊見隊伍齊整器械鮮明人人斂戢抱頭鼠竄而去

二年春正月宋景詩餘黨楊蓬嶺以七十騎於堂邑臨清等處橫行擄掠不數月衆至萬餘南自館陶冠縣北至河間又北至固安一帶數百里之間搶掠數次清邑四面受敵各團輪流出隊聲東擊西聲南擊北賊未敢入境而城

西南二十里外尤屬賊往來衝路忠信永安各團正當其衝又恐賊乘不備突入邑境於城西南一帶接五花八門之勢徧掘陷馬坑又於衝要之處掘陷馬長壕外覆以土奸細偵探往往誤陷坑壕被團勇擒獲送縣正法又以步勇爲坐探馬勇爲長探賊雖飄忽無常團則倉猝有備故鄰境皆被擾害而清邑獨獲安全

二年五月宋景詩名爲在籍團練而縱勇搶掠反跡已露制台劉駐防臨清堵其入境之路知縣熊存瀚奉札調三十團於河北一帶沿河列營東至臨清西至館陶聯絡數十里日夜防守河岸賊屢欲搶渡被團鎗炮齊施轟斃

河中者不計其數過河者都被擒獲及七月忠親王僧統
大兵至賊南竄圍乃撤防經三月之久各圍經費以萬計
三年正月楊蓬嶺之姪緯號小楊於下堡寺距清邑西南
七十里招聚教匪餘黨數百人肆行擄掠不喻旬衆至萬
餘南自下堡寺北至河間一帶由故道來往數十次距清
邑西南遠則四五十里近則二三十里各圍聞報出隊防
堵嚴密賊未敢犯境故雖力困財竭人心愈奮而當要衝
者西安忠信永安三圍爲尤甚

六年春鹽梟以數十騎倡亂而漏網教匪相隨搶掠者衆
數千人南臨清西戚縣曲周北南宮棗強東武城夏津俱

被擾害清邑獨安然無恙皆資團練然由春及冬或三日
出隊或五日出隊計一年中調團設備幾無暇日

七年張總愚衆號數萬被官兵尾追竄入運河迤東夏津
武城恩縣德州等處知縣張衍度奉爵相李札調於運河
西岸築牆防堵爾時雖當麥熟然因勇於奉公聞調卽至
南自二哥營北至渡口驛築牆數十里高一丈寬五尺日
夜防守三月餘經費以數萬計

咸豐同治年間保舉姓氏

知縣

熊存瀚江西舉人加運同銜

張衍度山東拔貢加知州銜

縣丞

張琰奉天監生以知縣試用

袁錄安徽監生加五品藍翎以知縣試用

教職

徐璋天津舉人加六品頂戴

劉懿恭順德廩貢加六品銜

程澤清河間舉人加六品銜

捕廳

朱立紳浙江監生加六品頂戴

何雲漢四川監生加六品頂戴

紳士

楊一峯舉人加五品藍翎

郭兆藩舉人以知縣不論雙單月選用加知州銜

楊翊虞貢生由孝廉方正保舉知縣

潘愚思貢生以教職用

王咸宜貢生候補縣丞加理問銜

林炳文文生加六品頂戴

莊曄然文生加六品銜以主簿不論雙單月選用

張紹曾文生加五品銜以縣丞不論雙單月選用

顧殿傑武生加守備銜以千總用

李魁蘭武生加遊擊銜以守備補用

顧長年武生加都司銜

王永年武生加四品藍翎

劉賓南武生加五品藍翎

謝伸武監生加四品藍翎

蘇開泰監生加五品頂戴

王步魁武生加六品頂戴

田景賢監生加六品頂戴

王錫爵吏目加入品頂戴

宋文林武生加五品頂戴

張明倫監生加六品銜

許殿一千總加都司銜

殉難

李永錫武生

李家莊人

吳錦堂監生

西關人

焦九愷

書吏陳二莊人

王克順

義勇劉家莊人

林常泰

王家屯人

滕福林

城裏人

李廷選

楊二莊人

王金秀

王家莊人

王其山

小裴家莊人

黃二有

安古莊人

王立善

城裏人

申廷魁

城裏人

邱孟祥 城裏人

趙進有 城裏人

顧興業 城裏人

楊超凡 同知衙後孫家莊人

孫樹桂 張家莊人

梁希賢 田家莊人

梁新璋 田家莊人

賈傑儒 邑庠生後孫家莊人

李三春 楊二莊人

吳成德 小里莊人

張景鳳 張家莊人

黃虎 張家莊人

王義和 張宋莊人

郭二和 張宋莊人

楊廷相 楊二莊人

--	--	--	--	--	--

外傳 附雜紀

從來不朽之蹟載在簡編者時地不得而限之也清邑始爲郡國後降爲州爲縣文物聲名非復當年之盛矣然仰前賢之芳躅發懷古之幽情撫今追昔有不忍聽其湮沒者故別爲外傳以志之

清河剛王義祖代孝王參漢文帝諸姬子也始封於太原徙於代再傳至剛王元鼎間徙清河四十年薨子項王湯立二十四年薨子牟立三年坐淫亂廢爲庶人國除

清河哀王乘景帝子也母王夫人孝景三年立十二年薨
無子國除

清河孝王慶章帝子母宋貴人宋昌八世孫也父名
揚揚之姑卽馬后外祖母馬后聞揚二女皆有才迎而訓
之永平末選入太子宮肅宗卽位並爲貴人建初三年大
貴人生王慶明年立爲皇太子竇皇后以貴人姊妹並幸
慶爲太子心惡之與母比陽以巫蠱陷宋氏貴人母子遂
見疏王出居承祿觀竇后諷掖庭令誣奏前事請加驗實
七年帝遂廢太子慶而立皇太子肇肇梁貴人子也慶旣
廢遂出貴人姊妹置丙舍使小黃門蔡倫考實之皆承風
旨傳致其事乃載送暴室二貴人飲藥自殺帝猶傷之敕
掖庭令葬於樊濯聚王時雖幼知避嫌畏禍言不敢及朱

氏帝更憐之敕皇后令衣服與太子齊等太子特親愛王人則共室出則同與及太子卽位是爲和帝待王尤渥諸王莫得爲比後以長別居丙舍及大將軍竇憲誅王出居邸塲奴婢三百人與馬錢帛帷帳珍寶玩好充牣其第王多病帝朝夕問訊進膳藥垂意甚備王小心恭孝常以貴人葬禮有關每竊感恨四時伏臘輒祭於私室竇氏誅後始使乳母於城北造祠及竇太后崩王求上冢致祭帝許之詔太官四時給祭具後上言外祖母王年老遭憂病下土無醫藥願乞詣洛陽療疾於是詔宋氏悉歸京師除王舅衍俊蓋暹等皆爲郎十五年冬從祠章陵後中傳衛訢

私爲滅盜千餘萬詔使案理之並責主不舉之狀主曰訢以師傅之尊選自聖朝臣愚惟知言從事聽不甚有所糾察帝嘉其對悉以訢臧財賜王及帝崩王號泣前殿嘔血數升明年就國鄧太后特聽清河王置中尉內史賜什物皆取乘輿上御以宋衍等並爲清河大夫鄧太后以殤帝襁抱遠慮不虞留王長子祐與嫡母耿姬居清河邸至秋帝崩立祐爲嗣是爲安帝太后使中黃門送耿姬歸國帝生母左姬字小娥健爲人也卒葬於京師王立凡二十五年乃歸國其年病篤謂宋衍等曰清河埤薄欲乞骸骨於貴人冢旁下棺而已朝廷大恩捨當應有祠室庶母子并

食魂靈有依乃上書於太后遂薨時年二十九太后使掖

庭丞送左姬喪與王合葬廣邱太后崩有司請上尊號曰

孝德皇皇妣左氏曰孝德后孝德皇母宋貴人進諡曰敬

隱后乃告祠高廟使司徒持節與大鴻臚奉策書璽綬清

河追上尊號尊陵曰甘陵廟曰昭廟子愍王虎威嗣永初

元年太后封宋衍爲盛鄉侯分清河爲二國封王少子常

保爲廣川王子女十一人皆爲鄉公主食邑俸明年常保

薨無子國除虎威立三年薨亦無子鄧太后復立樂安王

寵子延平爲清河王是爲恭王立三十五年薨子蒜嗣冲

帝崩徵蒜詣京師將議爲嗣會大將軍梁冀與梁太后立

質帝罷歸國蒜爲人嚴重動止有度朝臣太尉李固等莫不歸心焉初中常侍曹騰謁蒜蒜不爲禮宦者由是惡之及帝崩公卿皆正義立蒜而曹騰說梁冀不聽遂立桓帝蒜由此得罪建和元年甘陵人劉文與南郡妖賊劉鮪交通訛言清河王當統天下欲共立蒜事發覺有司因劾奏蒜坐貶爵爲尉氏侯徙桂陽自殺立三年國絕梁冀惡清河名明年改爲甘陵太后立安平孝王子經侯璠爲甘陵王奉孝德皇祀是爲威王立二十五年薨子貞王定嗣定立四年薨子獻王忠嗣黃巾賊起忠爲國人所執旣而釋之靈帝以親親故詔復忠國忠立十三年薨嗣子爲黃巾

所害建安十一年以無後國絕

清河悼王貢魏文帝子也生母張姬黃初三年封四年薨無子國除

厥後漢有廢王年又有哀王竟以中山改封又有王回甘陵王永魏有悼王貢晉諸子有清河王遵王覃王法法爲後將軍元魏有清河王懌爲司徒文宣王覃爲大司馬王紹王會于夙異姓王崔德儉齊有昭武王岳爲太保唐有郡王詵郡王懷皆虛有封號實未治其國侯則漢有異姓清河定侯王吸以下同異姓或爲公爲郡公爲侯爲郡侯爲縣伯爲縣子男以清河望者不可勝數亦可見清河古

爲重地

鄭光廷

滎陽人爲貝州參軍

薛疑

河東汾陰人爲清河郡司戶參軍

宋彥

爲永清軍都指揮使

胥惟質

權知永清軍軍州事

高瓊

涿州人任貝州部署

李浩

爲貝州節度判官

胡則

字子正永康人任貝州觀察判官

田斌

慶曆間爲兵馬都監

田京

慶曆間爲提點刑獄

任黃裳

慶曆間爲提點刑獄

王獎

慶曆間任司理參軍

趙子松

宋太祖六世孫任恩州判官

雜紀

延康年冀州刺史蘇章行部清河章字孺文扶風人遷冀州刺史故人爲清河太守章行部按其姦贓乃請太守爲設酒殺陳平生之好甚歡太守喜曰人皆有一天我獨有二天章曰今夕蘇孺文與故人飲者私恩也明日冀州刺史案事者公法也遂舉正其罪州境聞風畏肅

後漢書

漢靈帝時故太尉陳蕃因黨錮之禍死於獄中友人朱震

時爲銓令聞而棄官與之收葬瘞尸匿其子逸於甘陵界
中事覺繫獄闔門桎梏震被考掠誓死不言故逸得免黃
巾賊起大赦黨人追還逸官至魯相

後漢書

季 寧字伯高趙人嘗從元德秀學稱爲高第擢制科遷
南華令有惠政去之日民爲之立碑安祿山亂時年二十
餘客清河史思明圍清河城急寧爲郡人乞師於顏平原
真卿真卿爲出兵六千拒戰斬賊萬級郡賴以安寧後歷
官廬州刺史按綱目肅宗至德元年二月加顏真卿河北
採訪使真卿擊魏郡拔之先是清河客李寧年二十餘爲
郡人乞師於真卿曰公首倡大義河北諸郡恃公以爲長

城今清河公之西鄰國家平日聚江淮河內錢帛於彼以
贍北軍昔討默啜兵甲皆貯其庫竊計財足以三平原之
富兵足以倍平原之疆公誠資以士卒撫而有之以二郡
爲腹心則餘郡如四支無不隨所使矣真卿曰吾兵新集
未練何暇及鄰然子之請兵欲何爲乎寧曰清河非力不
足而借公之師也亦以觀大賢之名義耳今仰瞻高意未
有決辭定色僕何敢遽言所爲乎真卿竒之欲與之兵衆
以爲寧年少輕慮必無所成真卿不得已辭之寧就館復
爲書說真卿曰清河去逆效順奉粟帛器械以資軍公乃
不納而疑之僕回轍之後清河不能孤立必有所繫託將

海內集卷之
爲公西面之疆敵豈能無懼乎真卿大驚遽詣其館以兵
六千借之送至境執手別因問之曰兵已行矣可以言子
之所爲乎寧曰聞朝廷遣程千里將兵十萬出哼口賊據
險拒之不得前今當引兵先擊魏郡執其守將分兵開哼
口以出千里之師因討汲鄴以北至於幽陵然後帥諸同
盟合兵十萬南臨孟津公兵循河據守要害制其北走之
路計官軍東討者不下二十萬河南義兵西向者亦不減
十萬公但當表朝廷堅壁勿戰不過月餘賊必有內潰相
圖之變矣真卿曰善命參軍李擇交等將其兵會清河博
平兵五千人軍於堂邑祿山所署魏郡太守袁知泰逆戰

大敗遂克魏郡軍聲大振

元時惠始俗姓張聞鳩摩羅什出新經遂詣長安見之觀
習經典坐禪於白渠北晝則入城聽講夕則還處靜坐衆
多宗信姚義真鎮長安及察佐皆敬重焉赫連屈丐敗義
真於長安道俗少長咸見坑戮惠始身被白刃而體不傷
衆怪之言於屈丐以所持寶劍擊之又不能害乃懼而謝
罪元魏時訓導京都世祖甚重之惠始自習禪至沒世五
十餘年未嘗寢卧或時履泥塵足色愈白世號白跏師大
延間終於八角寺僧徒滿側端凝而絕停十餘日坐不改
容遂瘞寺內至太平真君六年改瘞於南郊之外已死十

年神色如故送葬者六千餘人

宋半仙歲久失名幼貧嗜讀後習數學精通陰陽地理嘗
旱天栽禾苗栽畢果遇雨禾苗皆活乾隆初年麥將熟勸
人刈麥衆迂笑之已徧刈其麥逾日天果雨雹夏時耕其
地不布種是年蝗蟲災過三伏種蕎麥大收自此一方種
植皆效之數年天不爲災凡所擇墜地功名富貴胥如所
言人因其能先知故皆以半仙呼之

僧大霞字曦彩善拳勇遇不平事輒挺身任之中年厭棄
塵俗在清邑靜樂寺披剃爲僧繼住持武城山西會館雖
天性猶昔而操行清苦及咸豐辛酉春山東寇于常秦等

盤聚邑東黃金莊邑人武進士裴養修率衆攻之大霞偕
武城令趙忻助戰斃賊十餘名城勢披靡圍丁紀之斬擒
數百人遂將全股撲滅邑賴以安

--	--	--	--	--

災異

易曰天垂象聖人則之凡得失善敗皆示之於未有之先也自東漢至今災異雖見故考之天官五行以及父老傳聞者悉載新編以備修省是亦發聾振聵之一端也是爲志

漢

元帝永光五年河決清河靈鳴犢口成帝鴻嘉四年秋河溢渤海清河郡縣被災者賑貸之新莽建國二年河決泛清河明帝永平十七年春甘露降於清河和帝永元十六年四月戊午客星從紫宮西行至昴五月壬申澌占日昴

屬趙殤帝崩清河孝王子卽位爲安帝是其應也永和四年清河郡蝗

魏

文帝黃初間清河婦化爲鼈入於水

晉

武帝泰治間甘露降於清河咸甯元年甘露降於清河二年木連理生於清河

北魏

元帝永興二年十月嘉禾生於清河三年五月清河郡木

連生

北齊

文宣帝天保間醴泉出於清河八年清河蝨澇

唐

太宗貞觀三年貝州水元宗開元二十五年貝州蝗時有
白鳥羣飛食之一夕而盡禾稼不傷

宋

太祖乾德二年清河溢害民田開寶四年清河溢漂溺民
舍數百田疇爲災五年貝州嘉禾合穗八年九月貝州嘉
禾合穗太宗太平興國間貝州貢紅鵲七年河大漲至道
元年白鶴鷄見於貝州神宗熙寧元年恩州河決元符三

年恩州地震徽宗宣和三年六月恩州河決清河隄重和二年十一月河決清河隄

元

世宗至元十三年清河大旱賑軍站戶米粟鈔十八年清河霖雨害稼免田租十九年蝗飛蔽天自西北來凡經七日禾稼俱盡二十八年霖雨爲災至正二十四年平陰河決達清河壞民居傷禾稼

明

成化十六年衡水泛溢入清河居民房舍陷溺幾盡死者甚眾宏治六年飛蝗蔽天盡傷禾稼十五年九月地震有

聲正德二年冬夜大雪壅蔽門戶填塞徼徇行者不通
靖元年旋風雨雹時城西有男子陳文與數人耘田猛風
旋起因失文所在俄而雨雹文至邑南二百餘里始墜於
地人問之曰吾業於田被巨人提起至空授一器盛雹命
布之遂巡推轉而下故不覺至此因詢歸途間關數日始
還家又城東北有傭於田者遇驟風提至蒼冥其景如夜
目無所見耳中轟轟如搗鼓聲忽聞曰拔樹拔樹命傭以
手布冰已乃還之故處曰還爾履履盡泥塗二年黑風晝
晦如夜樹鳥皆伏於地列炬無光逾時乃止三年二月至
五月不雨秋復蝗九年徇河自白廟口突開泛清河復天

雨大注合境瀰漫運河舟楫可通於城門之外漂民廬舍
至有繫嬰兒於樹上者十年饑升粟至百七十錢十五年
桃樹生耳人多採以烹食他木則否是年多甚明年又生
十七年衛河決泛清河二十三年衛河決泛清河視十七
年尤甚二十九年正月至五月不雨風數起土至尺餘二
麥盡枯三十九年春三月至八月不雨徧地蝗生升粟至
百八十錢民採草木根葉而食多餓死者四十一年御河
決泛清河夏四月大風三日塵霾蔽天行者迷居者怖闔
戶舉火兵刃無光隆慶三年夏蟲食榆粟葉蟲身有毛如
蠶細而長居人呼爲絲蟲著榆者黑著粟者白食葉如蠶

聲二葉皆盡化爲白蛾羣飛蔽日不爲災是歲登明年又
生又登六月二十七日衛河決泛清河廬舍田畝悉爲漂
沒城不下者三版水自舊城北入古黃河下流去五年冬
雨冰雨著物爲冰墳起尺餘樹皮迸裂鳥獸多凍死萬曆
五年秋桃杏生耳九年春正月至五月不雨十三年十二
月至五月不雨二十年春三月至六月不雨三十年七月
初七日漕河決二處淇河蓮花池田畝廬舍悉皆漂沒直
抵城下由古黃河北去三十二年冬所寒樹枝著冰損折
大半三十三年蝗四十一年淫雨爲災城垣坍塌四十二
年五月黑風暴雷拔木四十五年饑天啓二年正月地震

二月復震崇禎十三年四月至七月不雨六月漕河涸冬
六饑人且相食始則採食樹葉木皮繼則父子骨肉相食
爲前史所未聞奉旨關鄉各設粥廠賑之十四年春大疫
沿門徧戶至有一室之內積屍枕籍殷實之家子遺靡留
者知縣秦際暉設局醫藥施棺收瘞至五月飛蝗陡至饑
民取以代食

國朝

順治十年御河決洪河等村禾稼盡淹居民乘舟往來十
一年御河又決滄沒更甚陸地行舟

上發帑金遣左都御史土賴兵部侍郎魏瑄賑濟十五年蝗蟲害

稼

上復發帑

金遣刑部侍郎阿副都御史傅維麟賑濟康熙三年四月二十二日夜風霜並作田苗凍死過半四年春三月怪風十晝夜七年六月十七日夜地震二次震倒房屋十一年三月十二日華氏城內異氣冲天經過楊二莊晝晦如夜七月飛蝗蔽日知縣夏琮禱於八蜡廟蝗卽離境雍正十一年霪雨爲災乾隆二年河決尖塚禾田淪沒發粟賑貸蠲租四年河決尖塚傷禾稼發粟賑貸蠲租八年夏旱大饑賑減免田租有差五十九年河決大饑嘉慶十八年歲大饑二十四年雪深四尺道光元年河決大疫三年河

決平地水深丈餘十年閏四月二十二日酉時地震有聲
十四年河決二十六年三月初四日太陽落後徧地起火
旬有餘日咸豐二年正月間劫塵蔽日西北起至東南止
七年五月蝗飛蔽天六月蝗蝻徧地歲大饑同治元年多
瘟病四年正月十三日大雷電雨雪十一月大雪深數尺
七年河決九年河決十年六月大雨房屋傾頽無數八月
初霖雨七日梨杏秋花光緒三年歲大饑四年大旱八年
九月地震九年秋八月初六日風雨狂暴禾盡傷御河決
油坊鎮漂民廬舍十四日尖塚姜家村温良社三處河決

泛清河